

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 4 1962

7 3133/3514.83

0003

永平府志卷之五

建置志二

壇廟祠宇

風雲雷雨山川壇

府在城南三里南山之麓

橫五十四步直

五十三步正統十三年盧龍知縣胡琮重建成化六年知府王璽宏治十四年知府吳傑修之至國朝

舊基廢壞郡守張朝琮甃磚闢治

盧龍附府

灤州在城南六里

直八步橫六十四步牆高八尺四方柵各四厨宰齋房各三間

遷安在城西南

一里 撫寧在城南門外

萬歷年知縣張彞訓修築

昌黎在城

南 洪武三年建萬歷間知縣孟秋築牆垣王漢傑建房一楹三間

樂亭在城南里

許 洪武中知縣王文貴建萬歷中于永清建亭潘敦復砌垣周圍廣袤各二丈八尺久廢 國朝乾隆



永平府志

卷之五

壇廟祠宇

一

四年知縣施世洪重修廣一十四尺表一十三尺

臨榆在西羅城南門外

按唐虞望祀山川周禮有風師雨師之祀三代以

下漢以丙戌日祀風師于戌地以己丑日祀雨師

于丑地唐詔祀雷同壇宋兆風師于西郊祀以立

春後丑日兆雨師于南郊祀以立夏後申日又以

雷師從雨師之位獨雲無祀亦與山川不一祀至

明太祖洪武二年勅府州縣以風雲雷雨諸天神

為一壇山川城隍諸地祇為一壇三年命合祀之

昌遷二志作六年誤我

朝定制風雲雷雨山川城隍之神共為一壇壇制崇三

尺方二丈五尺四出陛各三級繚以周垣四門朱

色自南門入東南隅為燎所壇北正中立石主一

去壇二尺五寸設三神位風雲雷雨居中山川居

左城隍居右神牌高二尺四寸寬六寸座高五寸

寬九寸朱漆青字祭以春秋仲月上巳日風雲雷

雨前帛四爵十二山川前帛二爵六城隍爵三帛

一皆白色各羊一豕一釧一簋二盞二籩四豆四

乾隆九年部頒祝文

維神贊襄天澤福佑蒼黎佐靈化以流形生成永賴

乘氣機而鼓盪溫肅攸宜磅礪高深長保安貞之吉

憑依鞏固寔資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲幣尙饗

社稷壇

府在城西三里

隆慶五年知府辛應乾以其阻河命知縣楊舜臣改於城

西二里今仍在府西三里郡守張公朝琮發磚闢治

盧龍附府

灤州在城

西一里

制如山 遷安在城外西北隅

撫寧在西

門外

萬歷年知縣張燠訓修築

昌黎在城西一里

萬歷間知縣孟秋修築

樂亭在城西北一里

明洪武中知縣王文貴建萬歷中知縣于永清建亭潘敦

復砌壇廣袤各二丈八尺繚以周垣久廢國朝乾隆四年知縣施世洪重修廣三十丈袤一十九丈

臨榆在西羅城北門外

按社稷之祀三代之禮不同漢唐諸儒謂以勾龍

后稷爲配而又以爲非配卽祀至明太祖主孝經

說以社爲五土主稷爲五穀主皆自然之氣然廣

土諸穀不能徧祀故合土以爲社推長以尊稷也

我

朝雍正二年奏準各府州縣設壇壇壇而不屋四圍俱

二丈五尺高三尺三出陛各三級北向繚以周垣

四門丹油北門出入西北隅設瘞坎一成立石主

一埋于壇南正中去壇二尺五寸下入土中上露

圓尖神牌二以木爲之高二尺四寸寬六寸五分

跌高五寸寬九寸五分一書府州社之神一書府州

縣稷之神俱硃漆青字臨祭設于壇中置案上稷

左社右以春秋仲月上戊日致祭各帛一爵三帛

用黑色其祭品儀式同風雲雷雨壇

乾隆九年部頒祝文

維神奠安九土粒食萬邦分五色以表封圻育三農

而蕃稼穡恭承守土肅展明禋時屆仲春敬修祀典

庶丸丸松栢鞏磐石于無疆翼翼黍苗佐神倉於不

匱尚饗

先農壇 府在東門外周圍計七十三丈為殿三楹廂

房三間籍田地四畝七分 盧龍附府 灤州在東關籍田地四畝九分

遷安在南門外里許雍正六年知縣王孔彰建地四畝九分

撫寧在東關籍田地四畝九分 昌黎在城外東南隅籍田地十二畝

雍正五年知縣劉置樂亭在風雲雷雨壇右周圍計五十二畝

左右廂房籍田地二畝零臨榆在南門外籍田地二畝

按古者天子為籍千畝冕而朱紘躬秉耒諸侯為

籍百畝冕而青紘躬秉耒以事天地山川社稷先

古以為醴酪粢盛于是乎出也三代以下令準古

之諸侯守準古之方伯連帥我

朝雍正四年奉

勅每歲仲春行耕籍禮壇在東郊方二丈一尺高二尺一寸

四出陛各三級繚以周垣三門朱色自南門入壇

北建正房三間東西配房各一間神牌高二尺四

寸寬六寸座高五寸寬九寸五分朱漆金字祭品

儀式用帛一青色爵三羊一豕一釧一簋二簋二

籩豆各四罇一祝板一

乾隆九年部頒祝文

維 神肇興稼穡粒食蒸民頌思文之德克配彼天念

率育之功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉葵章聿修祀事惟

願五風十雨嘉祥恒沐于 神庥庶幾九穗雙岐上

瑞頻書于大有尙饗

厲壇 府在城北半里 初建在城北四里隆慶間知府

改建 本朝張 盧龍附府 灤州在城北一里

公朝琮 癸治 十步橫五十五步南面一門樓 遷安在縣北關外

二座牆高八尺齋厨如山川 撫寧在城北

壇制四圍五丈五尺崇二尺五寸 萬歷間知縣 樂亭

前出陛三級繚以周垣南為門 孟秋修築 在城北二里

縣潘敦 復建 臨榆在城西北 地廣袤各九丈八尺壇廣袤各二丈八尺繚以周垣西向樹坊明萬歷二年知

按祭法王有泰厲諸侯有公厲大夫有族厲自三代後或棄不用洪武三年昌黎志作八年誤十二月命京

都王國府州縣各立厲壇于城北每歲三祭春清

明秋孟望冬孟朔守土官先期牒城隍廟祀日以

為祭主祭餘羹飯則散諸民之無告者用羊三豕

三飯米三石我

朝定制因之至里社鄉厲之設今多廢不行

祝文

維神幽明異路守土維均命折殊名求食罔異維聰
明正直而一有以作之鑒觀庶君蒿悽愴之情無不

極其情狀爰遵定制聿舉明禋凡斯無祀之魂俱屬

有生之類為男為女姓莫紀于宮商是故是新代何

稽于子丑號風嘯雨斷子姓而疇依附草棲烟絕姻

親其何託謹設壇於城北仰主祭于尊神維茲中元禁焚

之節敬備牲醴肅具飯羹統一境之幽魂索羣靈而

大享鬼言歸也庶幾望壇墳以知歸神之格思尙其

鑒馨香而來格尙饗

城隍廟 府在治東南康熙戊子郡守張公朝琮重修 盧龍縣在府

城隍廟左 灤州在治西迎恩門內有正殿有路寢有東西序時久

廢壞知州張士儼陳士元相繼增葺之殿東有齋宿所嘉靖丁未陳士元重建今復廢 遷安

在縣治西 雍正十三年知縣李廷益重修 撫寧在縣治東南 舊又有撫

寧衛城隍廟 昌黎在縣治北 洪武九年立康熙十年災陳邦齋重修

樂亭在縣治西南 明洪武建萬歷間知縣林景桂于永清潘敦復雷春起及國

朝知縣李有爵相繼修乾隆十八年 臨榆在城西 知縣陳金駿勸闔邑士民會捐重修

北隅 明洪武間建崇正間巡撫楊嗣昌國朝康熙間守備王遇春重修

按城隍之祀莫詳其始先儒謂有社不應復有城

隍然蕪湖城隍廟建於吳赤烏二年唐以後則所

在多有宋祠徧天下矣明初祀以壇後罷壇祭祀

於廟以五月十一日為神誕聽民間祈賽今于春

秋仲月二分日致祭

祝文

維 神德懋聰明功隆捍禦壯金湯於千載崇墉表畿

甸之規節風雨於四時和會佐歲功之敘禍淫福善

顯呈有赫之靈威阜物康民默相無私之化育 神

庥不應祀典宜昭敬鍊日時肅陳牲帛馨香唯德鑒

格在茲尙饗

關帝廟 府二一在縣治東一在南甕城 灤州在南

月城 舊在城外南街萬歷間燬于火知州劉從仁改

建知州張璜王家士州同何思正知州韓應春

劉節州判允壽等又就舊址先 遷安三一在南門

後補建有厲給事汝進碑記 外一在北甕城一在三屯營 其他在邊關者不列 撫寧二一

在治西一在石門路 昌黎二一在治西一在治東

樂亭在北門外 明萬歷知縣桑高重建 國朝雍正九年知縣黃奇壁十三年知縣

施世洪 臨榆五一在西羅城一在東月城一在東

城一在演武場西一在舊招練營 餘不可勝載惟石門寨西北二十里

許傍水崖隆慶元年總兵張臣與蒙古戰獲神祐立廟崇祀宏敞壯麗為東藩之勝地

按明制祀 關侯于雞鳴山每歲四孟及歲暮遣

府官祭五月十三日以侯生辰又遣太常寺祭稱

漢前將軍漢壽亭侯萬歷中勅封三界伏魔大帝

神威遠鎮天尊關聖帝君我

朝順治九年

勅封忠義神武關聖大帝各府州縣以春秋仲月上戊日及

五月十三日致祭雍正三年復增封三代祀于後

殿雍正五年奉

勅加享用帛一爵三牛一豕一羊一籩豆各十祭日先詣

光昭公 裕昌公 成忠公前行禮其祭品用帛

三白色爵三羊一豕一籩豆各八乾隆三十三年

奉

勅加封忠義神武靈祐關聖大帝

乾隆五年部頒祝文

維 帝浩氣凌霄丹心貫日扶正統而彰信義威震九

州完大節以篤忠貞名高三國 神明如在徧祠宇

於寰區靈應丕昭薦馨香于歷代屢徵異跡顯祐羣

生恭值嘉辰遵行祀典筮陳籩豆几奠牲醪尙饗

祭關公三代文

維 公世澤貽休靈源積慶德能昌後篤生神武之英

善則歸親宜享尊崇之報列上公之封爵

錫命優隆合三世以肇禋典章明備恭逢諏吉祇事薦馨

尙饗

清節廟 在孤竹故城 舊址無考明洪武九年同知梅珪移建于府城內東北隅景泰

五年知府張茂復建于孤竹故城在府城西北二十里成化九年知府王璽修廟落成奏請賜額清節

國朝康熙四年知府彭士聖修建四十年蔡維賓重修乾隆八年十九年

呈上兩次臨幸有御製詩碑暨和親王詩嵌壁間其廟門外左一碑題曰

忠臣孝子前明崇正間陳泰來草書右一碑題曰日到今稱聖前明萬歷間江右李頤八分書 昌

黎在城內東北隅 舊在城北北迎恩樓上樓圯康熙十一年知縣王日翼移建

定于春秋二仲丁後二日致祭用羊一豕一豮盛

肴核數器

孤竹君祠 在清節廟北隔河之澗 明嘉靖四十二年兵備溫景葵建

郭造卿曰嘉靖釐祀典於孔廟正位號革爵諡塑

像而別祠啟聖今孤竹君有祠矣但夷齊廟位號

未正爵諡塑像未除是知重先正而尙未達於禮

也宜請從孔廟例木主稱逸民先聖伯子逸民先賢叔子而孤竹君廟當稱曰啟仁

旗纛廟 遷安在三屯營演武場 撫寧在縣治西北

今廢 昌黎在縣治西北 樂亭在縣治南 明萬歷二十年知縣

潘敦復建 臨榆在舊衛東署 今廢

按各衛所皆有今多廢武職衙門以霜降日記于

演武廳

馬神廟 府在城南二里隆教寺西 灤州在治東 舊在

太僕寺之左萬歷二十二年知州劉從仁改建于城東半里 遷安在城東南隅

明宏治間知縣張濟重建嘉靖中知縣王錫重修知縣韋文英移置預備倉內以祀之隆慶中知縣隋府

因舊址復修 國朝康熙十一年知縣王永命修補 一在遷安驛 撫寧在

治東 昌黎在治西 樂亭在演武廳東南 明萬歷二十年

知縣潘敦復建 國朝乾隆十三年知縣安泰都司朱奇芳重修 臨榆在演武場

按周官春祭馬祖天駟星也夏祭先牧始養馬者秋祭馬社始乘馬者冬祭馬步乃神之災害馬者今概曰馬神所在廐牧皆祀之於春秋仲月上戊

日致祭

龍神廟 府在陽山西麓 舊在城南十里灤河中流萬歷十五年圯于水 灤

州在城西 遷安在縣西南黃臺山 撫寧在西郭

外 明知縣徐汝孝建後廢康熙間知縣王文衡重建 昌黎二一在龍潭一

在蓮池 樂亭在城北三里 明萬歷間知縣張鑑重

內士民 臨榆四一在寧海城西 本朝康熙七年邑

勅建為永佑寺內藏 欽頒藏經六百八十部有額二一雍正四年

御筆曰四海永清一乾隆八年 御筆曰永慶清晏十九年知縣鍾和梅修 一在寧海城內

一在石河之濱一在西羅城

按唐祀龍池如雨師之儀用中祀禮宋有五龍祠

因唐禮行其祀皆封王爵我

朝雍正二年

勅封四海龍王東曰顯仁南曰昭明西曰正恒北曰崇禮乾

隆二十四年禮部議定于春秋仲月辰日致祭用

帛一爵三羊一豕一簋簋各二籩豆各十

東嶽廟 府在東郭外里許 灤州四一在城西北

里岡上一在城西關半里一在開平城東關一在

山 遷安在城北里許 撫寧在東郭外 康熙十七

修 昌黎在城西北 樂亭在城東 臨榆在

羅城 又西羅城有

按博物志云泰山一曰天孫言為天帝之孫主

召人魂魄知生命之長短者其見於史冊後漢書

方術傳三國志管輅傳之類是元成以上無有也

而釋家又有十殿閻羅王及地獄變相之說殆魏

晉以下之人所附會耳今嶽廟塑之

八蜡廟

府在東南一里

灤州在治東

舊在城北紫金山萬歷年

間知州劉從仁并建于馬神廟左祭日同馬神

遷安在北門外一里

舊在縣南

明崇正間知縣朱運泰移建

撫寧在北關外

昌黎在城南

樂亭在縣城西

明萬歷年間知縣于永清重建本朝乾隆十八年知縣陳金駿勸修

臨榆在社稷壇

有壇無廟

按伊耆氏始為蜡其神有八一先嗇二司嗇三農

四郵表啜五猫虎六坊七水庸八昆蟲蓋與社稷

相表裏同為農功祈報之典乃以舉國之人皆若

狂而孔子不禁善夫郭建初之言曰蜡祭雖為民

而報神寔因神而樂人也

蟲王廟

盧龍撫寧

即在八蜡廟

遷安在東嶽廟東

樂

亭在縣西二十五里

本朝乾隆四年知縣施世洪重修

臨榆在西

關水門外

按蟲王之神本出于八蜡自魏王肅解經以猫虎

二神分而為二宋儒張子因之皆以昆蟲為害而

者不當祀然考之詩曰去其螟螣及其蠹賊而終

之曰田祖有神秉畀炎火則茲祀正所以消其為

害也後世謂神為劉猛將軍名承忠元末吳川人

以劍逐蝗盡殛死雍正二年總督李維鈞奏請立

祀以春秋戊日行禮用帛一爵三羊豕各一饌十品

三皇廟俗訛為藥王廟 府在治北不知創始何時 國朝康熙間前守張公朝琮重修

乾隆間醫士趙柱率眾修太 灤州在城北二里謝公昌言同各屬捐貲

金山八蜡廟故基萬 遷安在西甕城 撫寧在北

歷中知州劉從仁建 關外 昌黎二一在東關外一在仙臺頂 樂亭

東關 臨榆在北門月城

按元史元貞元年初命郡縣通祀三皇以黃帝俞跗以下十人載於醫書者從祀兩廡有司歲奉秋二季行事而以醫師主之明洪武四年令天下

罷三皇以名分非民間所得祀且因民瀆以藥王非所以尊敬之也嘉靖間太醫院廟成以僦貸季以下十三人從祀東廡以華陀以下十四人從祀

西廡我

朝順治三年定每年春二月冬十一月上甲日致祭俗以四月二十八日為藥王生辰賽會祈禱

火星廟 府二一在治北一在教場左 灤州在城外

東南隅 遷安在南門內 撫寧在治西南 昌黎

在治東北 樂亭在治西北隅明隆慶間邑人王好問暨士民重建本

朝乾隆九年重修 臨榆在治北管關廳署東順治八年通判朱仲蹕康

熙七年通判
陳天植修

按爾雅曰法祭曰幽崇發星註崇者星壇也以昏見夜出故曰幽星祠歷代有之與羣星共祀獨郊祀六典唐太宗祀赤帝熒惑星于南方三辰七宿從祀宋修太火祠以三月九日祀之明以六月二十三日祀火德星君我

朝康熙二年定如明制

真武廟 府城在鐘樓上 灤州在城內北街郡人高第又建

於北遷安三一在東門內一在北關外一在三屯

營元武山 撫寧在治西北 昌黎二一在治北一

在北城上 樂亭在縣治正中名真武閣明嘉靖中建 臨榆

在北關外臨志作北鎮廟明初建本朝康熙六年

明嘉靖間莊民郭讓建

按此乃元武七宿後人以為真君宋真宗避諱改為真武圖志則云神為淨樂王太子修煉武當山功成飛昇上帝命鎮北方被髮跣足用皂纛元旗

玉皇廟 府在城南一里 灤州在城東 撫寧在縣

治西南 昌黎二一在仙臺頂 一在西關 樂亭

在城正中 臨榆在城西關廂

武成王廟 府在治前舊守備廳地隆慶六年知府辛應乾改建 國朝康熙十六年

郡守常公文魁三十六年梁公世勳郡丞彭
公爾年四十八年郡守張公朝璋重修葺
在文廟西康熙十六年知縣劉馨協同教諭聶應聞捐資建乾隆三十六年知縣陳鍾琛修無寧

按唐開元間始制太公廟以留侯配上元二年尊
為武成王始置亞聖十哲等建中三年列古今名
將凡六十四人貞元二年去亞聖十哲之名惟祀
武成王及留侯宋祥符元年加諡昭烈宣和五年
定以張良配享殿上管仲孫武樂毅諸葛亮李勣
並西向田穰苴范蠡韓信李靖郭子儀並東向其
列東西廡者凡七十二將紹興十七年又以管仲
至郭子儀十八人祀於殿上乾道間升李晟于堂

上仍以曹彬從祀金泰和間以秦王宗翰同子房
配而降管仲以下又黜王猛慕容恪等二十一人
元以孫武子張良管仲樂毅諸葛亮以下十人從
祀明洪武三十一年罷其祀永郡昭烈武成王廟
建于隆慶六年在武學之左祀于東西配者十六
人曰齊管仲孫臆田穰苴越范蠡燕樂毅漢張良
韓信周亞夫孫武諸葛亮唐裴度李靖郭子儀宋
曹彬岳飛明劉基祀於兩廡者四十六人東廡曰
趙趙奢秦王翦漢李廣班超鄧禹趙充國馬援寇
恂岑彭馮翼賈復耿弇趙雲臧宮吳周瑜陸抗晉

杜預羊祐陶侃宋趙普楊業范仲淹韓琦狄青寇

準西廡曰齊田單趙廉頗吳伍員漢曹參樊噲彭

越衛青霍去病張飛姜維周韋孝寬梁王彥章唐

李晟顏真卿李光弼薛仁貴尉遲恭李勣宋檀道

濟文天祥劉琦

文昌祠或稱宮亦或稱廟 府在東門內 灤州在月城內

遷安在治東 撫寧在學東 昌黎在治北王漢傑重建

樂亭在學前 臨榆在文廟右

按周禮大宗伯以禋燎祀司中天子祀司民司祿

諸侯以下祀司命司命文昌宮第四星也此祭神

之最近古者後世以梓潼神當之其說出於太平

廣記頗不經又與搜神記互異姚萇遊蜀為立廟

曰張相公廟公僖播遷時封順濟王歷代畧加聖

號為帝君皆以冥助武功則武而非文矣唐及後

五代皆未有主文之說宋祥符中有舉子宿廟中

見諸神會商作來歲狀元賦後遂顯驗文場來集

之謂必是文昌與張亞子兩廟俱在梓潼故混而

為一耳今天下學宮文昌祠宜奉之以主而張相

公仍別祀可也

魁星閣 府在南城上 撫寧在城南紫荆山知縣譚琳捐俸

建 昌黎在文廟前 臨榆在東南城隅

按奎為文章之府以文而祀則于奎為宜乃不于奎而于魁者殆以北斗七星魁為首杓為末取制策首舉之義呂氏春秋所云魁士名人是也然取之字形為鬼舉足而起其斗又以必定之音而執持筆錠則不經矣

天妃宮一名廟 灤州在治西門外 遷安二一在治北

一在建昌營東關 臨榆二一在南海口永佑寺西
明初海運時建我朝乾隆九年知縣鍾和梅修十二年
御書賜額曰珠 一在城西北
宮湧現

按江淮之間多祀天妃其神為女子三人俗傳神姓林氏司馬溫公謂水陰類神當為女子太虛之中天為大故天稱皇地稱后海次于地宜稱妃耳元通海運郡邑多濱海故祀之俗稱聖母廟

碧霞元君廟一名祠 府在城東南二里 灤州在城西

遷安二一在北斜關外一在景忠山每年四月十八進香者如

市康熙丁巳 聖祖仁皇帝駕幸此山題靈山秀色匾于寺中 撫寧在西

郭外 昌黎在仙人頂 樂亭在南關 臨榆在南

街八道衚衕名曰娘

按神為宋真宗所封世以為泰山之女其說晉時

已有之干寶搜神記胡母班爲泰山府君致書女
婿河伯是也今北方多祀之

蠶姑廟 灤州二一在城南十五里麻北莊一在城西
七十里赤堠社 遷安在治西二十里

按此卽古禮之先蠶也俗以四月八日祈蠶功

增福廟 府二一在城西北隅一在南門外 遷安二

一在縣南石眠莊一在縣北紙莊 撫寧在縣治西

北 昌黎在南關 樂亭在東嶽廟東 臨榆在南

月城

按增福祀魏曲梁令李詭祖令家世本淄川文帝

時殛狄妖塞橫水邑人爲立祠唐封增福相公

三官廟 府在北郭外菊花臺 遷安在縣北門外

撫寧在縣治東南 昌黎在城西 樂亭在縣西南

三里 臨榆二一在城東南一在東門外

呂祖廟 在臨榆西水門內

羅漢廟 在臨榆左翼署東

魯般廟 府在東月城 臨榆在都統署前

太傅廟 在臨榆管關廳西

海神廟 在臨榆南海口 明初建萬歷間主
事王廷俊修今廢

天仙廟 府在城外東南隅 灤州在西關 昌黎二

一在仙臺山一在城東北

二郎廟 灤州在城外北關 遷安在東甕城 昌黎

在治北 臨榆二一在南門外一在西羅城外

十王廟 府在城東門內迤北 樂亭在城西北二里

元壇廟 府在城東門內迤北 遷安在東街

晏公廟 府在城東北隅

小聖廟 府在南郭外 臨榆在南海口今廢

三義廟 府在城北一里 遷安在城北四里

李將軍廟 在府南八里虎頭石下祀漢太守李廣今廢

三忠祠 在遷安縣景忠山祀漢諸葛忠武侯宋岳武

穆王文信國公

李臨淮祠在昌黎縣西城上祀唐司徒李光弼今改建

文昌祠前

韓文公祠昌黎二一在治北明洪武中建嘉靖五年知縣秦廷銳重建一在

西五峯右范督師建

八仙廟在昌黎仙臺山

張仙廟在樂亭東月城內明嘉靖間邑人王好學建

韓湘子祠在昌黎西山下

姜將軍廟在灤州西唐山麓

按舊志云碑云將軍仕後唐清泰間鎮碣石之石

城時有蛟爲民害將軍斬之人懷其惠立廟祀焉
此地自後唐天成初已屬契丹安得清泰間乃屬
於唐乎此碑記之不可信者也

精忠廟

府在北門甕城內祀岳武穆王

康熙庚辰浙人翁贊育建

遷安在縣北關

撫寧在縣西門內

顯功廟在山海城內西北祀中山武寧王徐達

明景泰甲戌奉

勅建 國朝順治十三年參領李國柄修

崇報祠在三屯營新鐘樓東祀明將軍戚繼光

馬公祠在三屯營景忠山下祀總兵馬永

表忠祠在府武學戟門左祀明崇正己巳被執不屈死

兵備道張春庚午死難兵備道鄭國昌知府張鳳奇

推官羅成功中書舍人廖汝欽汝寧通判楊爾俊東

勝衛指揮張國翰陳靖華城守中軍房應祥忠武營

千總牛星耀仇耀先城守千總卜小峯梁壯威胡承

祚張學閔石可玩庠生韓原洞馮繼京弟聯京周祚

新羅世傑並弟竣塚圻胡登龍子光奎田種玉子福

元姪士儁李光春丁應掄李文燦胡啟鴻劉可廷武

生張鴻鸞醫官陸橘郡民李應陽張俊郭重光張宗

仁張禮李大敬張尙義陸松傅守望

今廢

忠烈祠在府武學戟門右祀崇正庚午死難武學科正

唐之靖道標中軍程應琦營路叅軍焦慶延祠旁勒碑今廢

忠烈祠在建昌營西北祀陣亡副總兵蔣承勛

貞女祠在山海東關外十三里望夫石之巔祀孟姜女

明萬歷間主事張棟建崇正間副使范志完重修增

龕以榆關烈女十九人附祭

勸義祠在山海西關外祀陣亡叅將張世忠

褒忠祠在山海西關石河西今廢

二李公祠在樂亭北月城內祀知縣李瀚李拜佐今廢

陳公祠在昌黎城外祀知縣陳良輔

孟公祠在陳公祠左祀知縣孟秋

吳公祠在昌黎縣東北祀知縣吳應選

楊公祠在昌黎縣東祀知縣楊于陞

李布政祠在府東北祀李公充濁

韓御史祠在府東郭外天仙廟左祀韓公應庚

忠義祠在昌黎縣北郭祀守城死難者四十人明崇正中巡撫

楊嗣昌疏建今廢

拽梯郎君祠在昌黎縣東月城以拽梯全城明崇正中巡撫楊嗣

昌疏建今廢

四賢祠在灤州西門外為郡守盧公傑韓公應春李公

鳴臯孫公慈次第建修

陳公祠在臨榆東月城為明兵部主事陳祖道建

張老相公祠在臨榆彌勒菴

忠愛流芳祠在臨榆西月城鄉民為歷任關門之廉能者建

遺愛生祠遷安二一在縣南祀明知縣張廷拱一在縣

治東大南街口祀明知縣王四維今廢

來公祠在臨榆龍王廟後祀明兵部主事來儼然初建西關

外後廢僅存木像今改建于此

寺觀庵堂

隆教寺城南一里洪武初僧吉岩建景泰五年勅賜額設僧綱司於內明寺圯我朝順治六年

都御史蔡公士英捐資重建規模壯麗置藏經一部建高閣貯之水陸諸像繪畫精絕為北平第一名刹

開元寺在南臺山頂永樂七年僧洪聲建今呼南臺寺

雙泉寺城北二十里龍泉寺城東一里洪武二十六年僧源就建

勝水寺城北二里臨河寺城北十里

白塔寺城西八里元建古興寺城東八里

白蓮寺城西二十里泥溝青蓮寺

溫泉寺城北六里興隆寺

迎恩寺城東北二十五里雪峯寺城南二十里雪峯島

白雲寺城北三十里安山元白蟒山寺

萬軍寺城西二十里雲水寺燕河營

清涼山寺城西清涼山觀音寺一在城北四十里劉家營一在城西五十里無稅莊

大窪寺 城東十里

九天觀 城東門外

元都觀 城南關外

三清觀 山獨子

觀音閣 南關

大佛堂 崆峒山

觀音堂 一在府治南 一在燕河營

三教堂 楊家莊

洪福庵 城東門外

祇陀庵 城西北六里

觀音庵 府治東北

萬壽庵 城西

普濟庵 小河西岸

福國庵

永興庵 縣治西

紅石庵

三慧庵 縣西街南與鳴遠樓對

太清庵 楊家莊

妙蓮庵 府治北沙河

白衣菴 劉家營

九蓮庵 城東十五里張家溝

以上盧龍縣

廣福寺 在州南門外設僧正司

薦福寺 在城西北隅

石佛寺 城北五里金大定年建

法寶寺 城南十里遼建

古馬寺 城西二十里金大定年建

蓮臺寺 城南二十里唐建

延慶寺 城南三十里唐建

雲居寺 城西南四十里金大定年建

華嚴寺 城西五十里石佛莊遼壽昌年建

青陽寺 城南五十里元至正年建

勝嚴寺 城南五十里于家泊元至順年建

巍峯寺 城西五十里金建

崇興寺 城西南七十里元至正年建

華麻寺 城西南七十里遼建

卑家城寺 城西南七十里遼乾統年建

西套里寺 城西南七十里遼壽昌年建

黃土院寺 城西南八十里 元至正年建

風山寺 城西八十里 遼建

壽聖寺 城西南八十里 元至正年建 正年建明正統年重建

興福寺 城西九十里 金大定年建

白雲寺 城西北九十里 金泰和年建

洪覺寺 城西南九十里 金大定年建

臨水院寺 城西北九十里 金泰和年建

曾家灣寺 城西南一百一十里 唐建

興國寺 城西一百一十里 唐建

水灣寺 城西一百一十里 金大定年建

開覺寺 城南三十里

蠶箔峪寺 城南五里

北石佛寺 城南十里

神臺寺

烽火山寺

佛頭寺 城西十八里 洪武年建

沙塢寺 城西二十里

建福寺 城南三十里 石佛 洪武年建

毘盧寺 城西南三十五里 成化年建

土山寺 城西二十五里

紅寺 城西南四十里

華嚴寺 城南四十里 南套里莊

清水興國寺 城南五十里 元至正年建

宜安寺 城西五十里 永樂年建

周家坨寺 城西南五十里 天順年建

永壽寺 城西五十里 成化年重建

草堂寺 城西南六十里

宋家莊寺 城南六十里 明天順年建

上青龍寺 城西南六十里 明景泰年重修

下興隆寺 城西南六十里 明天順年重建

廣嚴寺 城西六十里

大覺寺 城西七十里 元至正年建

龍泉寺 城南七十里 明洪武年建

永安寺 城西七十里 明洪武年建

延古寺 城西七十里

清涼寺 在榛子鎮 明洪武年建

花港寺 城西南八十里 明永樂年建

蘭坨寺 城西南八十里 明永樂年建

延福寺 城西南八十里 明正統年建

磚窰淀寺 城西南八十里 明洪武年建

橫陀寺

城西南八十里
明天順年重建

鴻鳴林寺

城西南八十里
明永樂年重建

盧家莊寺

城南八十里
正統年重建

相公寺

城西八十里
元時建

坨里寺

城西南九十里
明正統年重建

洪濟寺

城西八十里
金時建

觀音寺

城西南九十里
明永樂年重建

香花峪寺

城西九十里
明永樂年重建

青坨寺

城南一百里

龍盤院寺

城西北九十里
明成化年重建

寶塔寺

城西一百里
明永樂年重建

白寺口寺

城西一百里

興唐寺

城西一百十里
明洪武年重建

峯化山寺

望海寺

城西南一百二十里
明景泰年重建

永慶寺

觀音閣

一在榛子鎮
一在開平

四面觀音閣

在偏涼汀南
郡人高第建

元真觀

在州城北街

玉清觀

在開平

西方庵

城西南三里
明萬歷年重建

彌陀庵

城西南八十里
明嘉靖年重建

阜平庵

城南九十里
明嘉靖年重建

以上灤州

宜覺寺

在城東街
唐時建今廢

棲真寺

龍泉寺

縣南十五里
龍泉山之上

法華寺

縣東三里

清寧寺

縣南八里
金天會十年建
舊名千佛寺
元至正十五年重修
易名大覺寺
明正統間更名

靈崖寺

縣東二十里
南山之陽

石佛寺

縣西十里

露臺寺

縣西十里

靈泉寺

一在縣北五十里
一在貫頭山

寶峯寺

縣北九十里

南覺寺

城南三屯營

牛山寺

縣東十五里

龍起寺

縣北十五里

蘭若寺

縣北十五里

馬古寺

縣南二十里元時建

西閣寺

縣西南十五里

獨覺寺

縣東二十里

關泉寺

縣西三里

大雲寺

縣西北二十里唐時建

興教寺

縣西北二十里元時建

清玩寺

在萬軍山

峯山寺

縣北三十里

羅漢寺

縣北三十里

六合寺

縣西四十里

清泉寺

縣西四十里

上護國寺

縣西四十里遼時建

下護國寺

縣西四十里元時建

舊兒峪寺

縣西四十里

水窪寺

縣西四十里

勝水寺

在岳野山

龍崖寺

在尖山

雲峯寺

縣西四十里

關泉寺

新化寺

縣北四十里

龍化寺

雲岩寺

縣西北五十里栲栳山

普恩寺

保寧寺

縣北四十里

婆娑寺

尖山寺

縣西四十五里

白塔寺

縣西五十里遼時建

赤崖寺

縣西五十里

偏崖子寺

聖崖寺

縣西五十里金時建

成山寺

縣西五十里

保寧寺

縣北五十里

龍眼寺

縣北五十里

廣德寺

建昌營城內

雲泉寺

縣西六十里

黃栢峪寺

縣西六十里

蘇家窩寺

縣北六十里

岳野寺

縣西南五十里岳野山上一作耀冶

正覺寺

縣西七十里

龍泉寺 一在縣北七十里九山一在縣西四十里下蓮花院一在五重安

大黑山寺 縣西北七十五里 興教寺 縣西八十里

興福寺 縣西八十里 西白塔寺 縣西九十里

清泉寺 縣西北九十里 泉水寺 縣西北六十里

圓覺寺 縣西百十里 觀音寺 縣西百十里

相福寺 縣西八十里 平臺寺 縣西九十里

栢山寺 縣西百十里 興隆寺 縣西百十里

永泉寺 縣西一百三十里 聖顯寺 縣北一百四十里

西水峪寺 縣北一百四十里唐尉遲公建有碑記存焉

昊天觀 縣東南隅內 上清觀 縣西北百十里

通明宮 卽玉皇廟在 三里橋東

棲雲宮

觀音堂 在縣南關 白衣庵 一在西街一在大王家莊

老君堂 縣北五十五里 西來庵 黃臺山左側

朝陽庵 縣東北岳孤山陽 龍蟠庵 縣東三十里

大乘庵 三屯營城內 興隆庵 三屯營城內

以上遷安縣

大安寺 西門外 碧岩寺 縣東北一百里峯崗環繞花木森秀久廢

觀音寺 一在縣治西南習儀于此一在縣東二十里

廣化寺 縣東北八十里 石佛寺 縣南十五里山林聳秀泉石淵深

聖水寺 縣北三十里有二泉冬夏不涸不溢屢汲不竭登其巔可以觀海僧超恩募化重修

水峪寺 縣西北四十里樓臺掩映泉壑環流

長城寺 縣東北九十里在古長城上

龍泉寺 縣南二十里

清灤寺 縣北二十里

棲霞寺 縣西南十二里山林幽邃尤宜避暑

雙泉寺 在天台山

舊縣寺 縣西二十五里即撫寧舊治

福勝寺 縣北十二里西有小石柱呼轍應

報國寺 縣東八十里即舊海陽城中

臺頭寺 縣北三十里

圓通寺 縣西二十里

聚會寺 縣西三十里

杏虎寺 縣東北八十里廢

清涼寺 縣東十五里

水月寺 縣南三十里

崇福寺 縣南三十里

望海寺 縣東南三十里

莊頭寺 縣東南三十里

隆興寺 縣東四十里

清源寺 縣南二十五里

福勝寺 縣東六十里

柳會寺 縣東六十里

東聯寺 縣東南四十里

龍岩寺 縣東南十八里

元方寺 縣東三十里

雲城寺 縣西北三十里

慈民寺 縣東北二十里創於元內有古栢二株大數十圍

香山寺 縣西北三十里

東流寺 縣東北一百里

五泉寺 縣東一百里

沙河寺 縣東二十五里

永芳寺 縣東南三十里

雲灤寺 縣西北四十里

靈鷲寺 縣東北一百里

中峯寺 縣東北一百里

法雲寺 縣東南四十里

椒園寺 縣西七里

清峯寺 縣東北三十里

石橋寺 縣東北一百里

墜石寺 縣北一百里

彌陀寺 縣北六十里

慈悲寺

潮水寺 縣東六十里

金峯寺

觀音堂 在南關外

聖水寺

在乾澗堡北青華山上久廢道人劉雲鶴築舍修煉於此

秋月寺

城北天馬山西嶺上庠生楊修道重建山無泉楊爾祚創僧舍鑿井得泉有三魚純白躍出

尋真觀

城北二十里即俗名螞蚱庵

五靜庵

縣東白雲山一百二十里

白衣庵

在縣東門

地藏庵

在衛衙衙女道陳氏募建

南天門洞

僧寂祿募建

以上撫寧縣

崇興寺

縣北一百二十步

九聖寺

城東二十里

源影寺

縣西二百步即古塔寺塔下有井其泉獨重而甘

望海寺

城東三十里

遶彎寺

城西五十里

雲峯寺

城西二十里

仙化寺

城西三十里

清峯寺

城西三十里

青龍寺

城西三十里

妙峯寺

城西三十里

清修寺

城西四十里

千佛寺

城西四十里

金峯寺

城西四十里

古興寺

城西五十里

雙峯寺

城西五十里

延福寺

城西五十里

鎮龍寺

城西六十里

香蓮寺

城西六十里

彌陀寺

城西七十里

雲居寺

城七十里

橋梁寺

離城十里

新莊寺 城南三十里

孔莊寺 城南四十里

福安寺 城南四十里

金峯寺 城南五十里

述聖寺 城南六十里

龍泉寺 城南七十里

儲聖寺 城南八十里

龍潭寺 城北十里

寶峯寺 在縣北八里俗名水岩寺有唐佛頂尊勝幢記開元灌頂國師不空奉詔譯遼保寧元年建石

東水岩寺 城北十里

圓通寺 城北十里

沙河寺 城東南二十里

山坡寺 城東北二十里

石佛寺 城西南五十里

觀瀾寺 城西南五十里

大明寺 城西南五十里

福雲寺 城西南五十里勅建

香巖寺 城西南六十里

龍安寺 城西南六十里

休涼寺 城西北四十里

果老院 在觀音山西有石槽石碾遺址

以上昌黎縣

福巖寺 城西隅元至元間建邑人蕭雲漢記

勝巖寺 縣東十里馮家哨莊

觀音寺 縣東十里明正統間建

寶塔寺 縣東十五里胡家坨

華嚴寺 縣東二十里明天順間建

興國寺 縣東十五里元至元間建

寶峯寺 縣東十五里

大興寺 縣東南二十里

雲峯寺 縣東南二十五里明永樂間建

正覺寺 縣南十里明永樂間建

萬佛寺 縣南三十里明正統間建

崇法寺 縣南三十里遼太康間建

毘盧寺 縣南三十里

普濟寺 縣西南八里金大定間建

吉祥寺 縣西南八里元中統三年建

崇興寺 縣西南二十里元至元三年建

翠峯寺 舊在灤河西岸青坨明洪武間建後萬曆三十三年為水所圯改建於楊坨西

鶴天寺 縣西南二十里 元至元間建 君嚴寺 縣西南二十五里其創建莫考

觀音寺 縣西南三十里 海雲寺 縣西南三十五里

崇福寺 縣西南三十五里火燒佛社本金馬城縣石佛寺故址元正元間改建

大慈寺 縣西南三十里張作霖記畧曰馬頭營營南一里許舊有東西兩寺西寺入於河觀音浮歸南

海東大慈寺 厥昉不可考按宏治四年碑記僧人真良等嘗修葺之近李氏毓德重加繕葺云

隆迥寺 縣西南四十里 唐貞觀間建 龍興寺 在祥雲島海中

慶雲寺 縣西十里 清隆寺 縣西二十五里

大雲寺 縣北三十里 靈澤寺 縣西二十五里 金明昌間建

嚴佛寺 縣北三十里 元至正間建 清鸞寺 城北十三里博樂坨

殊勝寺 舊在縣西商家堰社元至元間建明萬曆辛亥河泛寺圯改建于龐各莊西

興勝寺 縣西北十里 昊天寺 縣南十五里新河堰元至正元年建

普濟寺 縣西二十里龐各莊元至正間建 廣延寺 縣西元至正元年建

清灣寺 縣北十二里 龍泉寺 縣北八十里 元至正元年建

以上樂亭縣

給孤寺 在北門外 崇興寺 在西羅城

後角山寺 在三道關西 地藏寺 一在西羅城一在北門外

棲霞寺 在角山巔 團雲寺 在團雲山

圓明寺 城西北二十五里 蟠桃寺 在蟠桃峪

鷹武寺 在鷹窩山 溫泉寺 在溫泉山

福慶寺 在白雲山詳見山川志

棲雲寺 在團山

觀音寺 在南海口

普濟庵 在西門外

白衣庵 一在西羅城外 一在南門外

文殊庵 在石河西

廣嗣庵 在西門外

靜衣庵 在南門外

彌勒庵 在獅子林

普賢庵 在關門外

慈憫庵 在城西街

女貞庵 在城東北隅

五泉庵 在五泉山

老君庵 在老君頂

三清觀 在西羅城北門外

大悲閣 在南馬道

觀音閣 在北月城

觀音堂 在東羅城

以上臨榆縣

樓閣亭臺

鼓樓在郡署大門東

鐘樓在郡治東古城址上有元帝閣

馮虛閣在下水關城上今廢

望高閣在東門之北今廢

元覽樓在北上水關城上

武備樓在城西北隅

文會亭在城北隅今廢

攬勝樓在城南小聖廟側韓御史應庚建

石隱亭在上水關韓僉事原善別墅

清風臺在府城西夷齊廟後高據懸崖平臨灤水蒼松
翠栢交映臺側

釣魚臺在城南一柱峯下面北臨灤韓御史築爲別墅
有月白樓在釣臺之右今廢

以上盧龍縣

譙樓在州治大門上萬歷間知州張元慶建

大觀樓在州治後萬歷間知州張堯輔建

壯觀樓在偏涼汀今廢

白雲樓

瑞蓮亭卽金泉亭在州城西二里蓮池上弘治間知州

潘齡建今廢

雪鴻亭在瑞蓮亭右昔名別故嘉靖間知州趙葉重修
今廢

後樂亭在州署

大觀亭在州城東北五里偏涼汀之上舊名醒翁萬歷
間知州林養棟更名

六角亭

四角亭 俱在偏涼汀乾隆十九年重修

按許莊賦序云遼乾統初年柳城張子記偏梁亭
梁字與今異蓋彼時水在榆南橫北舟楫留難故

作偏梁偏橋以通緯路因以名亭今水不西去舊

跡無存明宣德初年鎮守院公與金姓居士斬石

蓋寺始有石路可通輿馬及商賈荷任之屬天順

庚辰都憲鄒鎮守韋因亭圯乃於極阨甃門置亭

其上但於梁無取故訛而為涼耳或曰山以半削為偏此處如山

梁而偏也

以上灤州

鼓樓縣東北萬歷間馮恩建楊于階修 國朝康熙間

典史王懋修乾隆三十五年知縣林中麟重修

鐘樓東城上萬歷間楊于陞遷建後廢 國朝康熙間

王懋移其鐘于鼓樓上

迎恩樓一名永泰樓在西門外洪霖建萬歷間楊于陞

重築臺基下有溫泉鑿蓮池今廢

湘子樓在城西三里縣丞楊希舜建知縣朱嗣發重修

觀蓮亭城西南胡科建今廢

迎仙亭城北水岩寺上孟秋修改為後樂亭今廢

靜觀亭城北龍潭山上石之峯建又名海月亭今廢

以上昌黎縣

鐘樓在縣二門東久廢知縣王文衡建於西城上迤北

鼓樓在縣二門西久廢知縣王文衡改建於城中央

以上撫寧縣

鐘鼓樓在城中央穿心四孔明初徐武寧建於城中之
北萬歷十四年叅將谷成功移建於此 國朝康熙
五年管關通判陳天植乾隆八年知縣張楷十七年
知縣鍾和梅重修

澄海樓一名知聖在寧海城南城上明兵部主事王致
中建 國朝康熙間通判陳天植遊擊陳名遠守備
陳廷謨乾隆八年知縣張楷重修十二年我

皇上恭謁

祖陵過臨榆

駐蹕於此因

賜御書樓額曰元氣混茫聯曰日曜月華從太始天容海
色本澄清樓前建

御碑亭亭中碑一樓壁間碑二恭勒

宸翰樓東碑一題曰一勺之多明天啟六年海運同知王

應豫立

以上臨榆縣

邱墓

商

孤竹君長君塚在城西北雙子山

少君塚在城西北馬鞭山

漢

公孫塚在府城外赤烽嶺俗傳公孫瓚墓

魏

公孫神康墓在城南烽火山相傳公孫度之子也

明

王侍郎珣墓在城東南蓮花源勅葬

李布政充濁墓在北門外三里莊

廖御史自顯墓在城南五里

韓御史應庚墓在釣臺之北

朱知府鑑墓在城北八家寨

韓僉事原善墓在城西九百戶堡

陳太僕王庭墓在城東北三里

盧都督天福墓在城東北三里

崔隱士赴闈墓在城西北崔家莊

郭興國公墓在城東二里

茆少卿墓在城南六里

薛兵備墓在城東三里大坡下

李少卿墓在城北五里臺

蕭評事墓在城東一里

王兵備墓在城南四里

國朝

孟忠毅喬芳墓在紅坡 勅葬

蔡襄敏士英墓在虎頭石南 勅葬

蔡綏遠將軍毓榮墓在襄敏墓後

楊工部文魁墓在城南小嶺

胡太常來相墓在建昌營

郎總督廷佐墓在土山

李選貢廷桂墓在城東漂白河東南

汪進士淑問墓在城西宜安莊西

以上盧龍縣

後唐

姜將軍墓在唐山下 元張勗姜將軍廟記云唐溪有蛟為害將軍以劍斬之及沒民感其

德建廟祀之每歲上巳祭賽甚盛

金

任運使詢墓在州南七十里

元

張防禦使晉墓在州西二里孫進士德附

卑元帥仲吉墓在州西五十里

王將軍祥墓在土屋兒社

明

石副使維嶽墓在州西北五里

王僉都御史鎬墓在橫山西南二里

厲都給事中汝進墓在州城西

高尚書第墓在州西一百二十里

國朝

石少宰申墓在後明碑莊

劉御史偉墓在秦家莊

喻封君墓在州西南稻地胡家莊

以上灤州

舊志有後魏段永墓按永乃宇文國人非魏人 生平未嘗至遼西其傳云卒于

質葛城喪還高祖親臨則必無葬遼西之理也 不錄又公孫神康墓在烽火山下不註朝代

商

孤竹次君墓在團子山

明

王都御史銳墓在縣東三里河濱勅葬

才襄愍寬墓在縣東三里河濱勅祭

趙昌寧侯勝墓在縣西北七十里黑汀勅葬

郭御史鏞墓在縣南二里王家園

李按察金墓在縣東三里河

王御史和墓在縣東三里河濱

李太僕炫墓在縣北二里

李副使安仁墓在龍紀莊

彭都督友德墓在縣城東北百步

徐光祿雲達墓在大安山

郭侍郎鞏墓在縣南十里灤河濱

國朝

宗室輔國將軍馬錫禮墓在秀松園東南半里許

劉封君光裕墓在牛山西

張副將師聖墓在三嶺莊北

劉都御史鴻儒墓在牟家莊

崔學博巍墓在畫兒山子翰林璨附

以上遷安縣

明

魯僉事鐸墓在鐸山陽

翟尙書鵬墓在縣南關外勅塋

蕭都督陞墓在縣東關外勅塋

王封君忱墓在縣西五里

黃封君惟正墓在縣西關

白尙書瑜墓在蘆峯口

國朝

惠總兵應詔墓在縣東八里

以上撫寧縣

明

張尙書文質墓在縣南六十里勅葬

杜侍郎謙墓在縣西北三里勅葬

齊運同宗堯墓在柳河北

齊知州鳴鳳墓在張各莊

齊指揮鳴鶴墓在平坡碣石之陽

齊知縣鳴雷墓在鳴鶴塋東

齊同知士斌墓在石各莊

國朝

齊都督大勇墓在鋸齒崖下

張知府翰宸墓在三角山西

張知縣宏墓在縣赤崖堡東

高封君培墓在縣西北三里

以上昌黎縣

金

齊將軍墓在縣西三里

縣志云齊氏自明威將軍陶仕于金後有信武將軍者葬于此

元

張大夫墓在縣北五里

縣志云相傳卽張昇墓

王總管仲仁墓在縣西南三十里

姚郎中墓在縣北三里

明

李副使樂墓在張堡莊

宋叅政弘道墓在縣西一里

溫僉都御史原墓在縣東北三里

李通判霖墓在縣西北一里

盧司務敬墓在縣西北一里子叅議梁孫副使耿麒附

王封君臣墓在縣東北一里長子知府好學附

王尚書好問墓在縣東北二里勅塋子渾然附

穆翰林維乾墓在首山下

呂封君應科墓在五泉寺西北孫侍衛文英附

王郎中允猷墓在關外雞冠山下

烈女平氏墓在秦王島

烈女郭氏墓在給孤寺前

以上臨榆縣

永平府志卷之六

建置志 三

古蹟考

此冊雜取諸家論說今增刪存之

孤竹城 漢書令支有孤竹城魏書肥如有孤竹山祠

水經注元水又西南經孤竹城北西入濡水又云祠

在山上城在山側肥如縣南十二里水之會也史記

正義引括地志云孤竹古城在盧龍縣南十二里 肥如

縣唐武德二年更名盧龍 今城南已無其跡而祠在府城西北二

十里灤河之左洞山之陰夾河有孤竹君三塚豈唐

之盧龍治尙在其東北耶又案遼史云興中府本古

孤竹國漢時爲柳城地則又在今祠東北五百餘里
幅員之廣幾方千里舊志引爾雅孤竹北戶以爲孤
竹是北荒之總名蓋猶五嶺以南言甌言越本其國
名後乃槩而稱之耳郭造卿曰今有土築堦垣不過
千年物耳宇內商周城其存者有幾哉未可信以爲
孤竹之古城也

山戎國 春秋莊公三十年冬齊人伐山戎史記山戎
越燕而伐齊齊釐公與戰於齊郊其後四十四年而
山戎伐燕燕告急於齊齊桓公北伐山戎山戎走杜
預春秋註曰山戎北狄胡三省通鑑註曰自漢北平

無終白狼以北皆大山重谷諸戎居之春秋謂之山
戎郭造卿曰山戎北戎是二種山戎種一爲無終齊
伐之晉滅之北戎種二東爲離支齊所滅西爲代晉
所滅自燕東北爲遼西遼東以外無非北戎地西北
爲上谷以外無非山戎地而北戎爲尤大故必平山
戎而同許男以伐之

令支城 國語云桓公北伐山戎刺令支斬孤竹史記
齊世家作離支周書王會作不令支皆令支之轉也
二漢遼西郡俱有令支獨晉書地理志無之而于其
末曰慕容熙以幽州刺史鎮令支其見於載記者段

氏都令支石虎伐段遼入令支以李農爲營州牧鎮
令支命段蘭帥所從鮮卑屯令支燕餘巖據令支慕
容農克令支蘭和屯令支李朗留其子養令支李旱
克令支慕容懿以令支降魏魏宿沓干拔令支慕容
拔攻克令支其地在燕之東陲故爲重鎮入魏太平
真君七年乃併於陽樂矣水經注濡水東南流經令
支縣故城舊志令支城在遷安東蓋亦近之

長城 長城始于燕時歷代築之非一史記燕築長城
自造陽至襄平置上谷漁陽右北平遼西遼東郡以
拒胡秦始皇帝使蒙恬築長城起臨洮至遼東萬餘

里正義引括地志長城首起岷州西十二里東入遼
水齊顯祖天保六年發民一百八十萬築長城自幽
州夏口西至恒州九百餘里七年自西河總秦戍築
長城東至於海後主天統元年自庫堆戍東距于海
隨山屈曲二千餘里斬山築城置立戍邏五十餘所
周宣帝大象元年發山東諸民修長城立亭障西自
鴈門東至碣石隋文帝開皇六年二月發丁男十一
萬修築長城七年二月發丁男十萬餘修築長城長
城之見於史者如此今人言長城必曰秦時築考之
晉太康地理志長城起樂浪之碣石山魏書長孫陳

傳為羽林郎征和龍賊自西門出將犯外圍陳擊退之追至長城下是長城在龍城之外而通典亦言薊州北至廢長城塞二百三十五里然則今山海關之長城乃徐魏公所修之城非古之長城也一統志秦長城在府北七十里誤

右北平郡 漢右北平郡治平剛後漢治土垠水經注魏氏土地記曰薊州東北三百里有右北平城今京師也括地志漁陽郡東南七十里右北平城案當在今薊州玉田界此後漢之右北平也若平剛則在盧龍塞之東北三四百里此前漢之右北平而李

廣之所守也舊志云今府城南有李將軍射虎石固謬水經註言此石在玉田無終之間是亦以後漢之

右北平為李廣所治與東越青陘之說自相矛盾矣平剛縣 三國志田疇傳舊北平郡治在平岡道出盧

龍達于柳城自建武以來陷壞斷絕垂二百載而尙有微徑可從魏太祖紀上徐無山出盧龍歷平岡登白狼堆去柳城二百餘里水經註盧龍東越青陘至

凡城二百里許自凡城東北出趨平罡故城可百八十里向黃龍則五百里是平剛在盧龍之東北四百里矣晉書成帝紀咸康四年二月石虎帥眾七萬擊

段遼于遼西遼奔于平崗慕容皝載記遣揚威將軍
淑虞攻烏丸悉羅侯於平崗其字本作剛字一作岡
又作崗亦作岡又作罡

石城縣 漢石北平郡之縣十六其三曰石城後漢無
之蓋光武所併省也至燕分置石城郡考之通鑑及
晉載記得二事慕容寶宿廣都黃榆谷清河王會勒
兵攻寶寶帥輕騎馳二百里晡時至龍城會遣騎追
至石城不及是廣都去龍城二百里而石城在其中
間也慕容熙敗于北原石城令高和與尙方兵於後
作亂註云高和本爲石城令時以大喪會於龍城是

石城去龍城不遠也魏書地形志廣興下云有鷄鳴
山石城大柳城此卽漢之石城矣魏太平真君八年
置建德郡治白狼城領縣三其一曰石城有白鹿山
祠其二曰廣都水經註石城川水出西南石城山東
流逕石城縣故城南北屈逕白鹿山西卽白狼山也
又東北入廣成縣東廣成卽廣都城燕之石城在廣
都之東北而此在廣都之西南是魏之石城非燕之
石城矣隋書始無石城云北齊廢之而唐書平州石
城下云本臨渝武德七年省貞觀十五年復置萬歲
通天二年更各有臨渝關有大海有碣石山是武后

所更名之石城又非魏之石城遼史灤州統縣三其
三日石城下云唐貞觀中於此置臨渝縣萬歲通天
元年改石城縣在灤州南三十里唐儀鳳石刻在焉
今縣又在其南五十里遼徙置以就鹽官是遼之石
城又非唐之石城矣今之開平中屯衛自永樂三年
徙于石城廢縣在灤州西九十里乃遼之石城而一
統志以爲漢舊縣何其謬與

土垠縣 後漢爲右北平郡治耿弇傳光武遣弇與吳
漢等十三將軍追賊至潞東及平谷再戰斬首萬三
千餘級遂窮追於右北平無終土垠之間至浚靡而

還註云土垠故城在今平州西南案水經註巨梁水
出土垠縣北陳官山陳官山在今豐潤縣北七十里
則土垠當在今豐潤境內唐時未立豐潤故註云平
州西南耳一統志乃云在府城西南則沿此註而失
之也

灤志謂今豐潤東十里
垠城鋪卽古土垠城

遼西郡 漢治且慮後漢晉治陽樂魏治肥如北齊省
入肥如杜佑曰漢遼西郡故城在盧龍城東至隋改
置遼西郡于營州之境汝羅故城唐武德六年又徙
于幽州城中則皆非本境矣

肥如縣 漢書註應劭曰晉滅肥肥子奔燕燕封于此

漢初爲侯國史記功臣表肥如侯蔡寅是也傳三世
至孝景元年侯奴薨亡後而肥如改爲縣荆燕世家
肥如令郢人是也是時肥如雖爲縣而屬于燕故燕
王得以殺肥如令及武帝析藩國置緣邊諸郡而肥
如自此定屬于遼西矣見于史者後漢書和帝紀永
元九年秋八月鮮卑寇肥如劉虞傳前中山相張純
等衆十餘萬屯肥如晉書載記帝遣幽州諸軍討慕
容廙戰于肥如慕容熙大城肥如以 劉木爲鎮南
大將軍冀州刺史鎮肥如地理志高雲以幽冀二州
收鎮肥如魏書馮宏傳黜世子崇令鎮肥如肅宗紀

城平州所治肥如章懷太子註云故城在今平州而
漢書言有元水濡水盧水魏書言有孤竹山祠令支
城黃山濡河水經注言肥如縣南十二里水之會也
則在今盧龍之境無疑矣燕慕容垂世子令說其父
守肥如之險以自保胡三省註以爲卽盧龍之塞蓋
今沿邊一帶大山長嶺古口亦屬之肥如也與

海陽縣 漢初爲侯國史記功臣表海陽侯搖母餘是
也傳四世至孝景四年侯省薨亡後而海陽改爲縣
漢書言有龍鮮水封大水緩虛水皆南入海有鹽官
水經註云濡水過令支縣又東南過海陽西南入于

海當屬樂亭境內至魏書地形志海陽下有橫山新婦山清水水經註又云清水出海陽縣東南流逕海陽城東今樂亭無橫山新婦山而清水又在縣西是魏海陽當非漢海陽至唐于海陽縣改馬城縣金子海陽縣改山海縣皆魏之海陽惟遼史稱海陽濱海地多鹹鹵則今樂亭地也

山海志謂卽今海洋城在關西四十里洋當作陽亦非

驪城縣 畿輔通志云在樂亭縣西按此應據歐陽忞地輿廣記指遼之石城縣今開平鎮爲驪城也然漢書右北平郡驪城下云大碣石山在縣西南今縣西

南無碣石遺跡而世所指天橋柱爲碣石者則在縣東南昌黎境是驪城故縣當屬昌黎不屬樂亭矣

漠州 畿輔志云溟州在樂亭治元置是爲東溟按元史樂亭下初嘗於縣置漠州尋廢復爲樂亭隸灤州字蓋作漠不作溟抑五代時斯地已有漠州

望都鎮 舊云在樂亭境內按遼史太祖以定州望都縣俘戶置本漢海陽縣遼時海陽馬城偕望都並置則是七十里之地且分爲三有是理乎况其屬有海陽山在平州南三十里按之地勢亦不甚合一統志謂海陽在府城南三十里乃勦遼史望都條下之文

新橋鎮 舊云在樂亭縣南卽新橋海口按明史永樂七年倭寇樂亭海口營因爲巨鎮然稽金史地志樂亭下鎮一新橋是自金有之非始于明也

陽樂縣 後漢爲遼西郡治晉愍帝建興元年慕容翰攻段氏取徒河新城至陽樂魏書有武歷山覆舟山林榆山太真山山名轉易多不可考但言太平真君八年併令支屬于此而章懷太子云陽樂在今平州東則知不出盧龍之境撫寧志乃云陽樂城在西關外無據

新安平縣 漢遼西郡之縣後漢省今不詳所在但據漢書云夷水東入塞外水經注云新河自板渠東出合封大水謂之交流合水出新平縣西南流逕新平縣故城西又東南流龍鮮水注之合而東流注封大水亂流南會新河南流于海其曰新平卽漢之新安平中脫一字耳詳其水道則知其縣必在海陽肥如之間明一統志新安鎮在樂亭西北二十二里當卽其地

臨渝縣 漢書有渝水侯水後漢志有碣石山晉無此縣而通鑑載褚匡說馮跋曰章武郡臨海舟楫可通出於遼西臨渝不爲難也水經注渝水西南巡山逕

永平府志 卷之六
一故城以爲河連城疑是臨渝縣之故城渝水南流東屈與一水會世名之曰檻倫水通鑑檻盧城下註引此大約在今撫寧之東其城不可考矣

桑縣 漢書下官水南入海又有揭石水賓水皆南入官文穎曰碣石在遼西桑縣桑縣今罷屬臨渝水經注濡水又東南至桑縣碣石山似在今昌黎撫寧之境而一統志以爲今義州衛未詳何據

交黎縣

見下

柳城縣 史言慕容皝以柳城之北龍山之西福德之地乃營立宗廟官闕命曰龍城一統志柳城在永平

府西二十里龍山在府西四十里永平府舊志柳城在昌黎縣西南六十里漢末爲烏桓所據曹操滅之歷魏晉爲慕容氏父子所據隋置縣屬遼西郡唐置營州元省入昌黎爲靜安社二說不同今府西二十里全無遺跡而靜安社則嘉靖三十一年立爲堡然皆非柳城之舊也案唐書營州柳城郡下云城西四百八十里有渝關守捉城又云西北接奚北接契丹通典營州柳城郡下云東至遼河四百八十里南至海二百六十里西至北平郡七百里北至契丹界七十里東南到安東府二百七十里西南到北平郡七

百里西北到契丹界七十里東北到契丹界九十里而平州北平郡下云東至柳城郡七百里西至漁陽郡三百里東北到柳城郡七百里是柳城在今永平之東北七百里而慕容氏之龍城昌黎及魏以後之營州並在其地唐萬歲通天元年為契丹所陷聖歷二年僑治漁陽開元五年又還治柳城而今之昌黎乃金之廣寧縣大定二十九年改為昌黎名同而地異也又案三國志魏武帝用田疇之言上徐無山塹山堙谷五百餘里經白檀歷平岡涉鮮卑庭東指柳城徐無山在今玉田則柳城在玉田之東北數百里

也北齊書顯祖伐契丹以十月丁酉至平州從西道趨長塹辛丑至白狼城壬寅至昌黎城是昌黎在平州之東北齊主之行急猶五日而後至也隋書漢王諒伐高麗軍出臨渝關至柳城唐書太宗伐高麗還以十月丙午次營州詔遼東戰亡士卒骸骨並集柳城東南命有司設太牢上自作文以祭之丙辰皇太子迎謁于臨渝關關在今撫寧之東則柳城又在其東太宗之行遲故十日而後至也又案遼史興中府古孤竹國漢柳城縣地慕容皝以柳城之北龍山之南福德之地乃築龍城構宮廟改柳城為龍城縣而

遷都之號曰和龍宮魏爲遼西郡隋置營州煬帝改
柳城郡唐武德初改營州總管府尋爲都督府萬歲
通天元年陷李萬榮神龍初徙府幽州開元四年復
治柳城八年徙漁陽十年還柳城後爲奚所據太祖
平奚及俘燕民將建城命韓知方擇其處乃完葺柳
城號霸州彰武軍節度重熙十年升興中府統州二
縣四其一曰興中縣本漢柳城縣地太祖掠漢民居
此置霸城縣重熙中置府更名此文述柳城之故頗
爲詳備元世祖至元七年十月己丑降興中府爲州
以地圖案之當在今前屯衛之北但唐書平州下云

又有柳城軍永泰元年置蓋唐時柳城之地屢被陷
沒移徙無常此其在平州者或卽今之靜安社未可
知然不可以永泰元年之柳城爲古之柳城也且一
統志於柳城廢縣旣云在府城西二十里矣而于土
產則云人參麝香豹尾俱廢柳城縣出今府西二十
里乃灤河之西洞山之南沙土之地其能出此三物
乎案唐書營州柳城郡貢人蔘麝香豹尾皮骨髓志
本引之而不知府西二十里之誤也

盧龍塞 三國志魏太祖紀建安十二年北征烏桓至
無終大水傍海道不通田疇請爲鄉導公從之引軍

出盧龍塞塞外道絕不通乃塹山堙谷五百餘里至
白狼山田疇傳隨軍次無終時方夏雨水而濱海滯
下滯滯不通虜亦遮守蹊要軍不得進太祖患之以
問疇疇曰此道夏秋每常有水淺不通車馬深不載
舟船爲難久矣舊北平郡治在平岡道出盧龍達於
柳城自建武以來陷壞斷絕垂二百載而尙有微徑
可從今虜將以大軍當由無終不得進而退懈弛無
備若嘿回軍從盧龍口越白檀之險出空虛之地路
近而便掩其不備蹋頓之首可不戰而禽也太祖曰
善乃引軍還而署大木表於水側路傍曰方今暑夏

道路不通且俟秋冬乃復進軍虜候騎見之誠以爲
大軍去也太祖令疇將其衆爲鄉導上徐無山出盧
龍歷平岡登白狼堆去柳城二百餘里虜乃驚覺單
于身自臨陣太祖與交戰遂大斬獲逐北至柳城通
鑑晉穆帝永和五年趙王虎卒國內大亂慕容霸上
書于燕主雋請伐趙雋曰鄴中雖亂鄧恒據樂安兵
精糧足今若伐趙東道不可由也當由盧龍盧龍山
徑險狹虜乘高斷要首尾爲患其若之何霸曰恒雖
欲爲石氏拒守其將士顧家人懷歸志若大軍臨之
自然瓦解臣請爲殿下前驅東出徒河潛趨令支出

其不意彼必震駭上不過閉門自守下不免棄城逃
潰然則殿下可以安步而前無留難矣雋從之六年
二月雋遣霸將兵二萬自東道出徒河慕輿于自西
道出蠕螭塞雋自中道出盧龍塞以伐趙命慕輿堽
槎山通道又孝武帝太元二十一年燕清河王會使
征南將軍庫儻官偉建威將軍餘崇將兵五千爲前
鋒偉等頓盧龍近百日魏書常景傳杜雒周反於燕
州以景兼尙書爲行臺與幽州都督北平將軍元譚
禦之景表求勒幽州諸縣悉入古城山路有通賊之
處權發兵夫隨宜置戍以爲防遏肅宗從之別勅譚

西至軍都關北從盧龍塞據此二嶮以杜賊出入之
路又詔景山中嶮路之處悉令捍塞隋書陰壽傳開
皇初高寶寧引突厥攻圍北平令壽率步騎數萬出
盧龍塞以討之已上諸史所載盧龍之事頗詳魏書
新昌有盧龍山水經注濡水又東南逕盧龍塞塞道
自無終東出渡濡水向林蘭陁東至青陁盧龍之險
峻坂縈折故有九崢之名燕景昭元璽三年遣將軍
步渾治盧龍道焚山刊石令通方軌刻石嶺上以紀
事功杜氏通典盧龍縣在今平州城西北二百里張
行人舊志云在今府城南一里誤矣

盧龍城 水經注濡水又東南逕盧龍故城東漢建安十二年魏武征蹋頓所築也

蹋頓城 晉書載記石虎謀伐昌黎遣曹伏將青州之衆渡海戍蹋頓城無水而還隋煬帝征高麗其右第七軍出蹋頓道

樂安城 晉書載記石虎將伐慕容皝具船萬艘自河通海運穀豆千一百萬斛于安樂城通鑑作樂安水經注濡水東南過遼西海陽縣又經牧城南分爲二水北水謂之小濡水東逕樂安亭北東南入海濡水東南流逕樂安亭南東與新河故瀆合魏太祖征蹋頓所導也在今樂亭縣境

三陘 通鑑晉穆帝永和六年慕容霸軍至三陘魏征東將軍鄧恒惶怖焚倉庫棄樂安遁去註魏收地形志海陽縣有橫山蓋卽三陘之地

盧溥鎮 晉書地理志自幽州至於盧溥鎮以南地入于魏案魏書太祖紀范陽人盧溥聚衆海濱殺幽州刺史封沓于此蓋卽其所據之地以名鎮而燕之幽州乃令支也

螭螭塞 晉書載記慕容皝率騎二萬出螭螭塞長驅至于薊城通鑑晉孝武太元十年燕主垂遣慕容農

出蟒螭塞歷凡城趨龍城討餘巖

昌黎郡 案昌黎有五漢書遼西郡之縣其八曰昌黎

渝水首受塞外南入海東部都尉治應劭曰今昌黎

後漢志作昌遼或黎字之訛也通鑑註昌黎漢交黎

縣屬遼西郡後漢屬遼東屬國都尉魏齊王正始五

年鮮卑內附復置遼東屬國立昌黎縣以居之後立

昌黎郡晉書武帝紀太康二年慕容廆寇昌黎二年

安北將軍嚴詢敗慕容廆于昌黎咸帝咸康二年慕

容皝自昌黎東踐冰而進凡三百餘里至歷林口是

則在渝水下流而當海口此一昌黎也晉書載記慕

容皝徙昌黎郡又云破宇文歸之衆徙其部人五萬

餘落于昌黎及慕容盛之世有昌黎尹張順劉忠高

雲以馮素弗為昌黎尹馮跋之世有昌黎尹孫伯仁

以史考之當去龍城不遠此又一昌黎也魏併柳城

昌黎棘城於龍城而立昌黎郡志云有堯祠榆頓城

狼水而列傳如韓麒麟韓秀谷渾孫紹之倫皆昌黎

人即燕之舊都龍城此又一昌黎也齊以後昌黎之

名廢至唐太宗貞觀三年更崇州為北黎州治營州

之東北廢陽師鎮八年復為崇州置昌黎縣後淪于

奚遼史建州永康縣本唐昌黎縣地此又一昌黎也

遼太祖以定州俘戶置營州鄰海軍其縣一曰廣寧
郭造卿曰此與霸州彰武軍異地而史失詳別兩引其語皆柳城焉金世宗大定二十九年改爲昌黎相沿以至於今此又一昌黎也

營邱郡 晉書慕容廆立郡以統流人以青州人爲營

邱郡至魏罷營邱郡魏復置營邱郡水經注渝水又

東逕營邱城西

平州 平州之見于書者有三有地名有國名有州名

左傳宣公元年會于平州以定公位地名也史記朝

鮮傳封王陝爲平州侯功臣表又有平州侯昭涉掉

尾國名也其州名亦有二有漢末平州有晉平州有

後魏平州漢末公孫度自號平州牧及其子康康子

淵並據遼東此漢末之平州也平州本取遼東襄平爲名魏分遼

東昌黎元菟帶方樂浪五郡爲平州後還合爲幽州

晉武帝咸寧二年十月分昌黎遼東元菟帶方樂浪

等郡國五置平州治昌黎當卽漢之交黎此晉之平州也至

後魏平州乃治肥如而自齊以下因之遼史引公孫

度之平州于此則誤矣

朝鮮縣 漢晉屬樂浪延和元年徙朝鮮民于肥如置

此縣齊省入新昌

新昌縣 後漢晉屬遼東魏置此隋開皇六年省肥如

入新昌十八年改名盧龍

黃山宮 魏書肥如有黃山高宗紀太安三年十月詔

太宰常英起行宮于遼西黃山四年正月巡平州庚
午至遼西黃山宮常英傳夢日墜其所居黃山下水
中

渝關 隋書高祖紀開皇三年三月癸亥城榆關賀婁

子幹傳授榆關總管十鎮諸軍事高麗傳漢王諒師
出臨渝關關本以渝水名而史文或作榆一書之中
兩字互見唐書地理志石城有臨渝關一名臨間關
又云營州城西四百八十里有渝關守捉城高麗傳

帝總飛騎入臨渝關郭英傑傳帥萬騎及奚衆屯榆
關賈循傳爲榆關守捉使契丹傳許欽澹徙軍入臨
渝關奚傳魯蘇不能制奔渝關李忠臣傳襲榆關通
鑑後梁均王乾化三年初幽州北七百里渝關下
有渝水通海自關東北循海有道道狹處纔數尺旁
皆亂山高峻不可越北至進牛口舊置八防禦軍募
土兵守之田租皆供軍食不入于薊幽州歲致繒纊
以供戰士衣每歲早穫清野堅壁以待契丹契丹至
輒閉壁不戰俟其去選驍勇據隘邀之契丹常失利
走土兵皆自爲田園力戰有功則賜勳加賞由是契

丹不敢輕入寇及周德威爲盧龍節度使恃勇不修邊備遂失渝關之險契丹每芻牧於營平之間通典渝關在平州盧龍縣東一百八十里宋白曰渝關關城下有渝水入大海其關東臨海北有兔耳山覆舟山山皆陡峻山下循海岸東北行狹處纔通一軌三面皆海北連陸關西亂山至進牛柵凡六口柵戍相接此天所以限戎狄也一統志榆關在今撫寧縣東二十里又東二十里有榆關馬驛關之遺址久廢不可考或云徐武寧移之山海非也

臨渝宮 隋書地理志盧龍有臨渝宮煬帝紀大業十三年三月癸亥次臨渝宮

臨渝縣 隋書突厥傳營州刺史高寶寧作亂沙鉢畧與之合軍攻陷臨渝鎮

馬城縣 唐書地理志古海陽城也開元二十八年置以通水運遼史地理志在灤州西南四十里灤州志云州城南二十里官催一里社

千金冶城 唐書地理志馬城縣東北有千金冶城舊志在馬城廢縣北有城州志古城在州西七里孩古社蓋石沙可炒鐵今尙有遺石立水中

茂鄉鎮城 在灤州千金冶東

漢武臺 唐書太宗紀貞觀十九年九月戊午次漢武臺刻石記功

西碛石 東碛石 唐書地理志有西碛石東碛石二
戍契丹傳左鷹揚衛將軍曹仁師等戰西碛石黃麀
谷敗績武后更詔夏官尙書王季傑等討契丹戰東
碛石師敗季傑死之

海濱縣 遼史地理志潤州海陽軍統縣一曰海濱本
漢陽樂縣地金人封天祚爲海濱侯北蕃地里書潤
州在盧龍塞東北西至渝關四十里南至海三十里
舊志云在山海關東一百二十步洪武中于其地置

東門遞運所其說似誤

遷民縣 遼史地理志遷州興善軍統縣一曰遷民本
漢陽樂縣地至金廢爲鎮元史文宗紀八月丁酉發
中衛兵守遷民鎮庚子發宗仁衛兵增守遷民鎮庚
戌發平灤民墜遷民鎮九月上都諸王也先帖木兒
平章禿滿迭兒自遼東以兵入遷民鎮北蕃地理書
遷州在臨渝關東五十里西至潤州四十里南至海
二十里相傳以爲今之山海關

安喜縣 遼史地理志本漢令支縣地久廢太祖以定
州安喜縣俘戶置在平州東北六十里金大中改名

遷安遷安志在縣東北二十里

望都縣 遼史地理志本漢海陽縣久廢太祖以定州

望都縣俘尸置有海陽山在平州南三十里金史本

漢海陽故城大定七年更名海山縣

今樂亭有
望都鎮

義豐縣 遼史地理志本黃雜故城黃雜水北出盧龍

山南流入於濡水世宗置縣金元二史並同乃灤州

倚郭之縣當是洪武中併入州灤志謂元初省縣入

州非也

松亭關 遼史地理志澤州有松亭關宋史劉敞傳奉

使契丹素習知山川道徑契丹導之行自古北口至

柳河回屈殆千里敞質譯人曰自松亭趨柳河甚徑

且易不數日可抵中京何為故道此譯相顧駭媿閣

詢傳使契丹詢頗諳北方疆理時契丹主在靴淀迂

者導詢繇松亭往詢曰此松亭路也胡不徑葱嶺而

迂枉若是金史地理志松亭關國名斜烈只

誤入灤
州下

宗敘傳出松亭關取牛遞于廣寧撻懶傳習古廼婆

盧火護送常勝軍及燕京豪族工匠自松亭關入內

地通 益註引金鹵節要景州

今遵

之東北乃松亭關

今之喜峯口是也

栗林 金史張覺傳左企弓等赴廣寧過平州覺使人

殺之于栗林下遼史言殺之灤河岸

長春宮 金史石城縣有長春行宮在長春淀舊名大

定淀大定二十年更灤州志以爲遼蕭太后所建非

也遼之長春宮在長春州不在此舊志州城東八里

有濯清亭在灤河西岸東南三十里有丹陽宮石城

卽今稻地集

歷年行幸
見紀事

灤河縣 遼置與神山并屬澤州金廢州留神山以屬

大定府而灤河縣并廢承安置惠州升孩兒館爲灤

陽縣以隸之至泰和罷元復惠州無屬縣而置灤陽

治焉舊志云張行人舊志遷安縣西北百六十里元

時立縣隸大寧路國朝廢縣爲營備禦官民居焉今

人知營非故治指北坨垣爲故縣亦非也蓋遼縣在

今灤陽營金灤陽縣在今漢兒莊遼人以南人爲漢

兒而設南面官有漢兒司及漢兒行宮都部署故館

謂漢兒其官及民居之也地之山川環抱奇秀至今

父老言古漢兒城焉蓋金史轉語以漢爲孩耳升館

爲縣隔二十里非復故名殊也元之立治屬檀景都

提舉司卽遼之陷河採煉而屬澤州者今因建營以

名猶三屯驛曰灤陽永平驛曰灤河皆非故縣地也

蓋山南曰陽水南曰陰山北曰陰水北曰陽漢莊在

河北入灤故金以名縣焉遼之名河爲縣今之名陽
爲驛者皆重山與灤隔其名與實違也惟永平驛臨
漆漢莊驛臨澈而皆灤之支總以灤名焉乃信父老
言不誣爲別遼金縣殊及元復縣無考今之爲營者
治也

永平屯田總管府 元史兵志世祖至元二十四年八
月以北京採取材木百姓三千餘戶於灤州立屯設
官署以領其事爲戶三千二百九十爲田一萬一千
六百一十四頃四十九畝

大寧路海陽等處打捕屯田所 元史兵志世祖至元
二十三年以大寧遼陽平灤諸路拘刷漏籍放良孛
蘭奚人戶及僧道之還俗者立屯於瑞州之西瀕海
荒地開耕設打捕屯田總管府成宗大德四年罷之
止立打捕屯田所爲戶元撥并召募共一百二十二
爲田二百三十頃五十畝

龍紀城遷安縣北二十里省志云二百餘步楊買驢城
縣北四十里並相傳金蕭太后所築舊志云遼后世
蕭氏有宮衛兵平州既有提轄司其安喜以北交於
澤州之灤河多中京宮衛地此或其官帳軍耳金后
多徒單諸氏不如遼有宮衛妃有蕭氏而后無之

萬軍城 遷安縣東三十里山巔有土城周二百餘步
中有將臺遺址世傳唐太宗征高麗駐軍於此舊志
云今名爲帳房山或指爲軍所宿非也蓋遼國之法
天子踐位置官衛分州縣析部族設官府籍帳戶備
兵馬崩則扈從后妃宮帳以奉陵寢有調發則丁壯
從戎事老弱居守國此特其軍府之帳臺所謂平州
提轄司也

五花城 在山海關西南八里連環五座相傳唐太宗
征遼時所築按太宗將征遼太常丞鄧素使高麗還
請于懷遠鎮增戍以逼之帝不從惟命北輸粟營州

多儲古大人城耳自發雒陽春蔬亦不進懼其擾民
但明斥堠不塹壘雖逼鹵城終不敢出鈔而士運糧
單騎野宿如中國焉安得築城於此

洋河城 撫寧縣東南十五里亦云唐築舊志云或隋
之瀘河鎮也

山西城 撫寧縣西南五十里

靜安社城 昌黎縣西五十里舊志云其城見存周二
里高一丈八尺方輿勝覽燕慕容氏之福地也今龍
山正在靜安西北一統志柳城廢縣在府城南六十
里漢末烏桓所據曹操滅之歷魏晉爲慕容氏父子

所據隋置縣屬遼西郡唐置營州今爲靜安社異哉
陋乎無論不考古與書典異卽熙苑廣十里陵周數
里大城肥如及宿軍擬鄴爲門累級三層景雲山峯
高十七丈豈安此三里城丈有咫而已乎雖馮通焚
其宮殿而魏因其城爲營州治至唐不改曷削至茲
哉自盧龍名塞山名龍多矣彼之龍城在山西此山
在西北則城東南也兩龍其無別乎慕容業霸規摹
頗宏甃而如此其何以興熙而如此其何以亡謂之
靜安社者然與蓋今之昌黎乃遼之廣寧猶今之盧
龍乃魏之新昌必求其故則可坐而辨也

李家莊城 在灤州南四十里今爲李家莊社柏家莊
城州南五十里今爲淳風屯獨莫城州南九十里今
爲社二里地倂城州西南六十里今倂城社稻城土
城州西百二十里今長春社地唐山土城州西南百
二十里今橋頭社地舊志云此皆樂安諸城趙石虎
使典農中郎將王興帥衆萬餘屯田海濱以謀擊燕
者元立永平屯田總管府于馬城縣其昌國濟民豐
贍三署諸屯城也

姜女墳 在山海關東南海中其上有姜女祠世傳女
爲許姓居長故稱孟姜焉陝西同官人其夫爲范郎秦

築長城郎操版至遼東不歸女製衣親送至此聞夫
亡哭而死土人于高阜祀之名曰望夫石石上有亂
杵跡夫秦無稱陝無稱郎者當是勦齊祀梁妻崩城
之事而附益其說不知其所謂長城者乃泰山下之
長城非遼東之長城也

舊志有張果老墓在撫寧縣東南七十里又有韓
湘墓蛇皮王墓在昌黎皆謬妄

雙雁坨

灤州南二十里明成化中瘞二雁以名

謊糧坨

灤州南五十里世傳唐太宗爲此以誑高麗
州境及遷安豐潤以此名者甚多又通州有虛糧臺

十餘座云前代對敵乏糧虛設以張聲勢州志云其
處不一有六十餘座舊志疑以爲石虎伐燕時事太
宗渡遼水征高麗夸人豈敢至此而安用此爲哉州
西南八十里司家莊社北集西有項家坨長三四里
產酸棗野葡萄荆棘其南瀦水數畝通任家港南流
有古塚數十昔耕塌出火內有盛甲鎗端俱銅鐵鑄
金鍍相傳爲王者墓掘之風沙迷目復填之莫敢動
望海臺 在府城東今不可考

搗鼓臺

在灤州西百里松梁社志引冊府元龜唐太

宗貞觀十九年十月征遼次漢武臺餘基三成旁有

祠至營城帝問侍臣對曰此漢武求仙之處其地臨大海多峻石險隘後人借此播鼓禦敵因號爲營城播鼓臺云是亦謊糧之類也

將臺 在灤州城西八十里康莊屯高丈五尺廣八尺長二十步不知何時築下有黃崖河或云卽料馬臺石幢 一在府城南街金時建今尙存一在遷安城東南隅明正德間巡按劉士元撤去幢高三丈方員六丈上有八稜下有三層花草人物雕刻玲瓏

附載

元大寧路本奚部唐初其地屬營州貞觀中奚酋可度內附乃置饒樂郡遼爲中京大定府金因之元初爲北京路總管府領興中府及義瑞興高錦利惠川建和十州七年降興中府爲州仍隸北京改北京爲大寧明洪武二十年置北平行都指揮使司于大寧二十二年置泰寧福餘朶顏三衛于兀良哈地在烏龍江南盧龍塞北以處降胡東自全寧抵喜峯外近宣府曰朶顏自錦義歷廣寧至遼山曰泰寧自黃泥窪踰瀋陽鐵嶺曰福餘在潢水北大寧外邊由冷口入貢置驛于遷安縣二十七年置驛傳自大寧至廣寧東西四百八十五里置十驛中路北平至開平七百

六十五里置十四驛西路至開平六百三十里置十三驛土木至宣府一百里置二驛迨燕王襲破大寧以寧王及大寧官軍歸北平永樂元年改北平行都指揮使司為大寧都指揮使司隸後府徙于保定遷各衛於內地時興州左衛置遷安因兀良哈三衛來朝益求內附以大寧故衛地使為外藩自古北口至山海關為朶顏自遼東廣寧前屯衛至廣寧白雲山為泰寧自白雲山至開原為福餘貢道並由喜峯口置把總提督之即松亭關也達于三屯灤陽驛由遷安東北境朝京師而遷安驛徙于山海關是年東勝左衛自山西行都司調至其右衛徙遵化開平中屯衛原設大寧河嶺洪武中調真定府移置灤州義豐里石城廢縣

宋王曾上契丹事曰出燕京北門至望京館五十里至

順州七十里至檀州漸入山五十里至金溝館將至

館川原平曠謂之金溝淀自此入山詰曲登陟無復

里候但以馬行記日約其里數九十里至古北口兩

旁峻崖僅容車軌又度德勝嶺盤道數層俗名思鄉

嶺八十里至新館過雕窠嶺偏槍嶺四十里至如來

館過烏灤河東有灤州又過黑斗嶺度雲嶺芹菜嶺

七十里至柳河館松亭嶺甚險峻七十里打造部落
東南行五十里至牛山館八十里至鹿兒峽館過蝦
蟆嶺九十里至鐵漿館過石子嶺自此漸出山七十
里至富谷館八十里至通天館二十里至中京大定
府城垣卑小方圓纔四里許門但重屋無築閣之制
南門曰朱夏門內通步廊多坊門又有市樓四曰天
方大衢通闕望闕次至大同館其門正北曰陽德閭
闔城西內西南隅岡上有寺城南有園圃宴射之所
自過北口居人草庵板屋耕種但無桑柘所種皆從
壠上虞吹沙所壅山中長松鬱然深谷中時見畜牧
牛馬橐駝多青鹽黃豕

鄭曉吾學編地理述曰國初卽古會州大寧地設北平
行都司興營諸屯衛封建寧藩與遼東宣府聯絡東
西爲外邊已而魏國公經畧自古北口至山海關增
脩關隘爲內邊以故薊州西接居庸北折而東南抵
海上盡漁陽盧龍皆其管內艘泛登萊陸走趙魏肩
肘奚達襟帶原澤馮翊京師號稱雄鎮又地壤深厚
樹畜魚鹽黍稷之利甲於圻內文皇靖難兀良哈內
附廼徙北平行都司於保定爲大寧都司而散布興
營諸衛於京府之境大寧地盡畀兀良哈通貢互市

爲我藩籬朶顏大寧福餘三衛是也自是紅螺白雲
之北棄與戎寇遼東宣府聲援隔絕諸夸裂我險阻
闖我門庭要我官賞殘我吏民喜峯三屯密雲白羊
僅僅收縮譬之左臂癰腫則上谷孤子後背偃僂則
盧龍單薄哽其喉吭則遼海坐隔扼其胸腹則陵寢
警逼失計甚矣正統以前夸心畏服方隅寧謐土木
之變三衛爲也先鄉道始命都御史鄒來學經畧已
而總兵叅將內臣增設日多三衛亦矯詐反覆然尙
未敢顯言爲寇也宏治中守臣楊友張瓊燒荒掩殺
無辜邊釁遂起正德以來部落旣蕃朶顏獨盛陽順

陰逆累肆侵噬花當脅求添貢把兒孫深入擄掠動
稱結親迤北恫疑中國而叅將陳乾魏祥先後陷沒
以故三衛日驕嘉靖中革蘭台輒要官賞請益貢禍
機所伏不待智者而知也天壽山七陵在焉余嘗從
祠官至長陵北望烽堞不數里已巳之變祠官不能
至昌平昌平陵衛吏卒如僑寓增兵繕障於斯爲急
古北口潮河川俱要害而潮河川本殘元避暑故道
尤爲鹵衝作橋則浮沙難立爲塹則漲水易淤都御
史洪鍾雖嘗設有關城勢孤難守議者欲塞川流建
石墩數十令其錯綜宛轉下通流水上傳烽火亦一

策也喜峯口三衛貢道稍深峻燕河營太平寨馬蘭
峪密雲四營聲勢相援鹵卽至中兩營當其衝燕河
密雲相倚角遵化三屯建昌固其內防口當大控永
平梁城間無鹵患亦無海寇若乃山麓林莽樊樹阻
固以供薪炭伐條枚日就踈薄嘉靖中胡守中又出
塞盡斬遼金以來松林百萬自撤藩蔽矣

郭建初碣石叢談曰永平北境多係大寧州縣余嘗游
灤陽興教寺有元至順二年碑題頗及記云燕之東
北路曰大寧惠州西南鄉分灤陽林河社界山之陽
平泉之側麓野之間有古招提上下二區同名興教

林巒秀異山水嘉奇川原寬博而資產豐饒境物繁
興而雲游悉至四望東至大峪流水渠南至二郎地
西至三十二嶺西邊鷹愁澗北至大峪北白石頭向
陽嶺界則凡林河社皆惠州地也今遷安肆林河社
里有三其一在縣西百二十里東至太平寨營南至
夾河社西至遵化縣北至喜峯口三屯營在內其二
在縣西北百八十里東至太平寨社西至漢兒莊營
南至三屯營北至喜峯口灤陽營在內其三在縣西
北百六十里東至潘家口西至龍井關南至洪鴉寨
北至三臺山漢兒莊在內皆惠州地若撫寧山海關

及石門則瑞州等地回安洋河二社見之古寺碑記
 尤多且洪武初年始入山海志古蹟雖未詳而大畧
 可考倘盡采其碑記則亦如惠州矣 又云洪武錄
 大寧有新城木榆等衛此非定名也其云灤陽口外
 富民寬河栢山會州新城大寧等處宜置七驛今考
 灤陽驛五十里為富民而寬河而栢山而會州而季
 莊而富谷皆六十里而七十里乃大寧都司今灤陽
 驛移於三屯則多四十里矣古城在喜峯或自口外
 移入也 又云憲章諸錄皆列開平東西八驛名東
驛曰涼亭沈阿寶峯黃崖接大寧古北口 今考元大
西四驛曰桓州威胡明安隰寧接獨石

都六十里至順義七十里至密雲六十里至石匣六
 十里至古北口而出五十六里為青松東北六十里
 為興州中屯西五十里為古城六十里為灰嶺五十
 里為灤河又五十里為黃崖又六十里為哈八又五
 十里為沈河又四十里為東涼五十里為開平大都
 至此七百五十里地高井深星大北去慶州多古松
 號曰千里松林宣德五年徙衛于獨石棄地三百里
 失龍岡灤河險而獨石非通塗原無驛也

